

ENPLEGARRITASUN PLANA

SARIA DUEN AHALEGINA

Mahai inguru baten bidez, ULMAk azken bi urteotan martxan jarri duen Enplegarritasun Planean gure bazkideetako askok azken hilabeteotan egindako ahaleginaren balioa nabarmendu nahi izan dugu.

Bazkide horien guztien ordezkari gisa, ULMArekin mahai ingurua partekatu dute Elena Iglesiasek, Mikel Martinek eta Jose Manuel Matak.



Elena Iglesias (eskuman), Mikel Martín (erdian) eta Jose Manuel Mata (ezkerrean) mahai inguruaren une batean

E.I. ELENA IGLESIAS
ULMA ADVANCED FORGED SOLUTIONS
Eskuratutako profila: Industriako makineria eta ekipamenduak

M.M. MIKEL MARTÍN
ULMA MANUTENTZIO ZERBITZUAK
Eskuratutako profila: Fabrikazio mekanikoa

J.M.M. JOSÉ MANUEL MATA
ULMA ARCHITECTURAL SOLUTIONS
Eskuratutako profila: Mekatronika eta materialak

Noiz hasi zineten Enplegarritasun Planaren berri izaten? Zerk bultzatu zintuzten pausoa ematera?

E.I. Plantan jakin nuen. Uste dut 2019an hasi zela Planari buruz zertxobait entzuten; pertsonal buruak bilera batera deitu gintuen eta gaiaren nondik norakoak gainetik aipatu zizkigun. Gero Miguel Altunakoak etorri zitzaizkigun azalpenak ematera. Pixka bat ezustean harrapatu ninduen; ez nekien holako ekimenik martxan zegoenik.

J.M.M. Nik Kontseilu Errektorean jakin nuen, une hartan hantxe nengoelako, eta orduan azaldu zidaten pixka bat zer egingo zuten. Geroago, Pertsonaletik esan zigutenean, argiago geratu zen.

Zalantzaren bat izan zenuten? Askok pentsatu behar izan zenuten erantzuna eman aurretik? Kostatu zitzaizuen erabakia hartzea?

M.M. Beno, hasieran zalantzak izan nituen, bai, Miguel Altunakoen balorazioa izan arte ez genekielako zenbat ordu sartu beharko genituen, noraino konbalidatuko zizkiguten ikasketak, Miguel Altunaren profilak bat ote zetozen zureekin, aukerarik izango ote zen... Dena bezala, hasieran konplikatu xamarra izan zen.

E.I. Bai, nik asko pentsatu nuen. Batez ere hasieran zalantza handiak izan nituen orduen gaiarekin, zenbat ordu izango ziren, eta benetan denborarik izango ote nuen horretarako... batez ere denbora kontua zen.

M.M. Lehenengo gauza etxera iritsi eta dena bateragarri egitea zen, hasieran ez genekielako ikastaroek zer ordutegi izango zuten, goizez edo arratsaldean joateko aukerarik egongo zen... eta arratsaldean, hiru ordu zirenez, kontuan hartu behar zen 8:00etan iritsiko ginela etxera.

Aukera onak eman zizkizueten lana eta ikasketak uztartzeko?

M.M. Bai, ni poz-pozik. Gure kooperatiban behintzat, erraztasun guztiak eman zituzten lana eta ikasketak uztartzeko.

J.M.M. Bai, guretzat garrantzitsua izan zen ikastarora goizez zein arratsaldean joan zitekeela jakitea. Ikastaro bera ematen zuten goizean eta arratsaldean, norbera zein

errelebotan zebilen kontuan hartuta. Ikastaroetako batean izan ezik, gainerakoetan bazegoen aukera hori, eta halaxe egokitu zait niri.

Azaldu zizueten prozesua zertan zetzan? Zein zen helburua eta zein jarraitu beharreko urratsak? Izango zenituzten baldintzak eta abar? Eta Miguel Altunaren elkarrizketak izan zenituzten. Nolako izan zen esperientzia?

E.I. Denetarik zegoen pittin bat. Kooperatibaren barruan eta, batez ere, haiek industria arloan eskaintzen zituzten profilen barruan izandako esperientzia azaldu behar genuen. Gure esperientzia kontatu genien pixka bat, eta gero, galdetegi batzuk eta fitxa batzuk bete genituen. Azken finean, galdera guztiak bakoitzaren

maila zein zen ikusteko ziren.

J.M.M. Bai, azken finean galderak ziren. Tornu bat jarri zidaten, tresnak, baita marrazkiren bat ere. Gure profiletara bideratuak zeuden pixka bat.

E.I. Bai, biltegiko fitxak ere bazeuden.

M.M. Pertsona batzuek profil bat baino gehiago geneukan. Elkarrizketara joaten zinen eta profil horietan oinarritutako galderak egiten zizkizuten ordu gehien konbalidatzen zizuna zein zen jakiteko, eta horixe zen egingo zenuena.

J.M.M. Nire kasuan ere hala izan zen. Nik Mekanizazio ikastaroa egin behar nuen, baina azkenean Mekatronika egin nuen, orduengatik eta Negozioari

profil hori interesgarriagoa iruditzen zitzaiolako.

E.I. Nik, berriz, hain neukan esperientzia industrial txikia, non ez bainuen ideiarik ere zertan sartuko nintzen. Proba guztiak egin behar izan nituen. Oso-osorik egin dut. Eta pozik nago egin dudanarekin, gogor xamarra izan den arren; ez ikastaroa bera, baizik eta lanaldia bete ondoren horrenbeste ordu sartu behar izatea.

J.M.M. 20 urtean estudiatu gabe egon ostean eskolak hartzen hasi beharra hasieran gogor xamarra egin da...

E.I. Nik ikusten nuen han ia denek ukitua zutela elektrizitatea edo tornua edo dena delakoa. Baina nik ez neukan ezer eginda. Niretzat dena zen berria.



J.M.M. JOSÉ MANUEL MATA

M.M. Nik erdi mailako mekanizazio ikasketak eginak neuzkan lehendik, beraz, adar horretatik jarraitu nuen, baina jakina, ikasketak amaitu eta handik 20 urtera tornuak aldatu egin dira. Fabrikazio mekaniko guztia desberdina da, makinak berriak dira, programak ere bai, pixka bat lekuz kanpo bezala nengoen.

—
Pandemiarekin, zertan aldatu ziren hasierako baldintzak eta jarraibideak? Nola bizi izan duzue? Konfinamendua online ikastaroak eginez bizi izan duzue? Nola moldatu zarete zati praktikoa egiteko?

J.M.M. Gure kasuan dena izan da presentziala. Miguel Altunak online ematen zituen beste ikastaro batzuk, baina guk, asko ez ginenez, modu presentzian egin genituen. Konfinatuta egon diren pertsonen bano ez dute kale egin egun batzuetan. Guk martxoaren hasieran hasi genituen eskolak, hain juxtu ere pandemia hasi zenean, eta eten egin zizkiguten eskolak.

E.I. Bai, denbora gutxi generaman, bizpahiru aste. Martxoaren erdialdean gelditu ginen eta uztaile arte ez ginen itzuli.

M.M. Hasieran eskolak hemen izaten ziren, Zerbitzu Zentraletan, eta bi aste ibili ginen hola. Gero hiru hilabetez geldirik egon ginen eta horregatik luzatu zen ikasturtearen amaiera hiru hilabetez. Hasierako asmoa abenduan amaitzea zen, dena ondo bidean. Gero, pandemia tarteko, hurrengo urteko apirilean amaitu zen eta horrek jada lekuz kanpo utzi gintuen.

J.M.M. Irailean berriz ere eskolak hartzen hasi ginenean, hilabete baten

buruan gela osoa konfinatu zuten. Eskolak online egiten saiatu ginen. Hasieran gauzak ez ziren ondo atera, gutako baten bat deskonektatu egiten zelako eta berriro konektatzen zenerako haria pixka bat galduta zeukalako. Beraz, eskola presentzialak konfinamendutik bueltan egitea erabaki genuen. Noiz edo noiz, ostiralean ere joan behar izan genuen galdutako eskolaren bat errekuperatzeko.

M.M. Nik zortea izan nuen fabrikazio mekanikoaren profila goizez edo arratsaldezelako; arratsaldezelan egiten nuenez, beti goizez joaten nintzen klasera, eta jakina, eskola asko partikularrak balira bezala hartu nituen, bakar-bakarrik bainengoen irakaslearekin.

—
Gehienok Eusko Jaurlaritzaren dispositibotik pasatu zarete. Kontatu ebaluatzailearekin izan duzuen esperientzia.

J.M.M. Bai, ebaluatzaile bat eduki dugu eta ikusi ditugun gaien buruzko galdera batzuk egin dizkigu, gaiok ondo menperatzen genituen ala ez jakiteko. Galderok gaintzen dituzunean, eskaera bat egin behar diozu Eusko Jaurlaritzari konbalidazioak egin ditzaten, eta orduan baieztatzen dizute zer dakizun ondo eta zer egin duzun.

E.I. Hori da. Ikastaroaren dena delako zatia proposatzen bazen eta Miguel Altunak zuk zati hori gaintua zenez, zeneukala pentsatzen

bazuen, atzetik Eusko Jaurlaritzak etorri behar zuen, benetan ofiziala izateko dena ondo zegoela esatera.

M.M. Miguel Altunak egin ziguten testaren antzekoa zen. Azkenean, inprimakia sistema informatiko batetik ateratzen zuten, Eusko Jaurlaritzako ebaluatzaileak bezala.

—
Eusko Jaurlaritzaren dispositiboa ate ireki bat da prestakuntza librearekin jarraitzeko. Badaukazue horretarako asmorik? Planteatu diozue zuen buruari titulazio ofiziala eskuratzea?

J.M.M. Orain arte ULMArekin egon gara eta, azken finean, ordu-tegiak aukeratzeko eman diguten laguntza eta erraztasun guztiak ez dira hor egongo titulazio ofizial bat lortu nahi badugu. Orain, haien ordutegira moldatu behar duzu zure lan ordutegia, eta hori zailagoa da, konplikatuagoa; beraz, ondo pentsatu beharra dago jarraitzea ala ez erabakitzeko. Niretzat orain ezinezkoa da, baina tira, aukera beti dago hor, egin duguna betiko konbalidatuta geratu baita. Hor daukazu, zurea da. Miguel Altunaren 30 orduko ikastaroren bat egin nahi baduzu edo goi mailara igo, hori ere beste aukera bat da.

M.M. Bai, joan zaitezke. Eman dugun guztia konbalidatuta daukagunez, ba, azkenean ikastaroetan izena eman dezakegu, orduak kenduz joan eta goi mailako gradua lortzeko.

E.I. Nik ez nuen ideiarik ere gradua horren banatuta egongo zenik, hau da, kredituen bidez unibertsitatean egon daitekeen bezain banatuta egongo zenik. Tira, esango nuke dena oso zatituta bezala dagoela,

eta orduan zuk apurka-apurka lor dezakezu, ondo datorkizunean eginez. Interesgarria da bi urte oso egin behar ez izatea, edozein momentutan ikus baitezakezu zer falta zaizun eta zer aukera dituzun dena egiteko.

J.M.M. Miguel Altunak urtero ateratzen ditu ikastaroak eta horiek dira pixkanaka batuz eta eginez joan zaitezkeenak. Aurten izena eman dezaket, bi hilabete dira, ba agian bai, egin dezakezu, eta hori beti da konbalidatzea.

E.I. Nik orain argi daukat ez daukadala ezer gehiago egiteko asmorik, batez ere adinagatik. Izan ere, oraintxe bertan ez dit merezi. Jaso dugun prestakuntza hau nire lanean aplikatu ahal izango banu, agian zerbait gehiago egitea planteatuko niokeen nire buruari, baina lan aldaketa posible baterako gehiago ikasteara, ba jada ez. Egiten ari naizenari aplika dakioken zerbait balitz, arlo administratiboagoan akaso, ba, beharbada bai, baina arlo industrialean ez.

J.M.M. Niri profila baliagarri izan zait Architekturalako lanpostu batean izena emateko, eta lanpostua eman zidaten, baina profila ateratzeko baldintzapean betiere.



M.M. MIKEL MARTÍN

M.M. Bai, nire kasuan ere, kooperatiban profila atera ondoren, beste lanpostu batean lan egiteko

aukera eskaini zidaten, eta une honetan hori ikusteko zain nago.

E.I. Beno, nire kasuan, koordinatzaile postua ateratzeko, ez zidaten inoiz esan profila atera behar nuenik eta ez zidaten baldintza hori jarri, baina norberagatik besterik ez bada ere...

—
Zer esango zeniekete ULMAko pertsoneri egin duzuen ahaleginak merezi izan duela konbentzitzeko?

E.I. Nik, jarri dizkiguten baldintzekin, edonork egin dezakeela uste dut, eta, gainera, profil hori mundu guztiak izan beharko lukeelakoan nago. Ez da hain zaila eta hain konplikatu ere. Egon garenon inguruabarrak oso desberdinak ziren: jende gaztea eta ni bezain nagusia –nik uste dut zaharrenak ginela–, jende ikasketaduna, ikasketarik gabeko jendea... eta hala ere denok egin eta atera dugu ondo dena.

M.M. Bai, erraztasun guztiak eduki ditugu. Talde txikiak ziren, ULMAko langileak ginen denok. Ez zaude gela arrunt batean 40 ikasleekin. Norbera ondo antolatzea zen kontua, eta azkenean 400 ordu ateratzen ziren.

J.M.M. Hasieran uste nuen gogorragoa izango zela, baina ULMAk eman dizkigun erraztasunekin azkenean gauza atsegina bihurtu da. Hiru ordu dira egunero, lanaldian sartu beharreko zortzietatik aparte; gogorra da, bai, baina merezi du.

E.I. Amaitu zenean, bake santua, lasaitasuna, badiardi egunaren zati bat sobran daukazula. Gainera, oso ondo konpontzen ginen denok han, eta oso ondo, egia esan. Han gustura egoten ginen, eta gero afariak eta guzti egin ditugu.

M.M. ULMA Taldeak eman zizkigun erraztasunekin, ezin genuen aukera pasatzen utzi. Birkokapenik egonez gero, hor daukazu ULMAk eskatzen duen profila.



E.I. ELENA IGLESIAS

E.I. Berrito ere aukera emango balute, jendeari izena emateko esango nioke. Ezin da aukera hori galdu. Hala da, ni neu birkokatua naiz eta. Fagorretik etorri nintzen, eta ezer gabe etorri nintzen. Garai hartan beldur pixka bat izan genuen. 2.000 pertsona ginen birkokatu beharrekoak, eta ia kooperatiba guztietan ari ziren profila eskatzen. ULMAk daudenei esaten badiezu birkokapen bat egon litekeela, agian ez dute ulertuko zertaz ari zaren, baina bizi izan dugunok badakigu gogorra dela. Zenbat eta ikasketa gehiago, orduan eta aukera gehiago. Oraintxe bertan Udalaizteko birkokatuak, Fagor Etxetresnetakoak, ULMAk sartu dira profilik eduki gabe ere, baina baldintza batekin: birkokapen bat egin beharko balitz, Udalaizteza itzuliko liriteke; beraz, hori kontuan hartzeko eta profilak ateratzeko orduan.

ULMA Taldeak eman zizkigun erraztasunekin, ezin genuen aukera pasatzen utzi

ELENA IGLESIAS